

gewisse wol versorgen vnd versichern. Beschâch ouch daz in der / mâzz, als vorgeschriben steet, der hof Se uellen<sup>18</sup>, zu Vnser obgenanten herschaft handen, oder zu Vnsern handen besunder, oder mit einander kâme, So sol derselb hof mit Lewten vnd mit gût vnd mit / aller zûgehörung, Wo vnd an Welhen stetten die gelegen sind, vns dem obgenanten von Chur vnd vnserm Gotzhus, zûgehören vnd yngeantwurt werden, ân des egenanten vnser herren von Öster- rich / Vnd siner erben, vnd mêneklichs von irn wegen, anspruch vnd irrung,, Wâr ouch daz der egenant vnser herr von Österrich, von der obgenanten Stözz vnd misshellung wegen, zwûschen vnser vnd vnserer, egenanten Widertailn frid tâg Sâtzz oder Richtung machen Wólte, . . . daz sol er tûn mit wissen Vnd ouch nach Rât Vnser des egenanten von Chur, vnd vnserer mitgetayln, Wolten Wir dann darinn ze / hert sin, So hat der egenant vnser herr Von Österrich, dan- noch vollen gewalt in den sachen ze tûn nach dem vnd Jn vnd sin Râten gerâten dunkt, doch also, daz er vns ouch nach siner Râte, / erkantnüsse, versorge, als Wir daz gënczlich hintz Jnen lazzen, daz vns ain glychs beschech vnd Widerfar, in vnsern sachen darumb dann vnser Stözz dar rûrent, Wir der egenant von Chur, / Vnd vnser mit- getailn Sûllen vns ouch mit den egenanten vnserm Widertayln, nicht friden, setzen. Sûnen noch tag laysten noch dehainerlay tâyding vnd Richtung aufnehmen, ân des egenanten / Vnser herren Von Öster- rich, oder siner erben Wissen Willen vnd gûnst in dehain Wys vngeuarlich, Dann vmb die zûsprûch So die Edel vnser liebi Mûm Grâfin kathrin<sup>19</sup> von Werdenberg, min / des egenanten Graf hainrichs<sup>3</sup> von Vadutz Wirtinn, maynt zu haben. ze der Veste vnd Statt Werdenberg<sup>15</sup>, Von Wegen irs vâtterlichen Vnd mûter- lichen erbs, Vnd von Graf hugen<sup>20</sup> Wegen irs Brûders/ sâliger ge- dâchtnüss, oder Von anderlay sach wegen, Jst daz, das egenant geslos Veste vnd Statt Werdenberg<sup>15</sup>, zu der egenanten vnserer herschafft handen kômet, mit den Löffen als vor begriffen / ist, So sol die sach ge- sten, an dem Edeln vnserm lieben Ohem, Graf hugen<sup>21</sup> von Mont- fort herren zu Bregentz hofmaister. hainrichen dem Gâssler<sup>22</sup>, Burkarten dem Münch<sup>23</sup> von Landskron, / fridrichen Von flâdnitz<sup>24</sup> kamermaister, Vnd hannsen Stôklin Hûbmayster<sup>25</sup>, vnserer egenanten. herren von Österrich Râten vnd getrewen, Also was die darumb sprechent vnd erkennt / daz derselb vnser Herr Von Österrich . . . der egenanten vnser